



ANG LAKAS NG

PANANALIKSIK

**MALIIT NA HAKBANG,
MALAKING PAGBABAGO**

ANO ANG PANANALIKSIK

Ang pananaliksik ay isang sistematikong proseso ng pangangalap, pagsusuri, at pagbibigay-kahulugan sa impormasyon upang masagot ang isang katanungan o malutas ang isang suliranin. Isinasagawa ito upang makalikha ng bagong kaalaman at makapagbigay ng mas malinaw na pag-unawa tungkol sa isang partikular na paksa.

Mahalaga ang pananaliksik dahil nakatutulong ito sa pagpapalawak ng kaalaman at pag-unawa sa iba't ibang isyu at suliranin sa ating lipunan. Nagbibigay rin ito ng mapagkakatiwalaang impormasyon na maaaring maging batayan sa paggawa ng mga desisyon, pagbuo ng mga solusyon, at pagpapaunlad ng mga programa o mga gawain. Sa pamamagitan ng pananaliksik, mas napapatibay ang mga ideya at nakapagbibigay ng makabuluhang ambag sa isang partikular na larangan.

KATANGIAN NG PANANALIKSIK



EMPIRIKAL

Ang isang pananaliksik ay nakabatay sa mga aktuwal na obserbasyon, datos, at ebidensya na nakalap mula sa tunay na sitwasyon.



LOHIKAL

Ang pananaliksik ay gumagamit ng wasto at maayos na pangangatwiran upang maging malinaw at makatwiran ang mga resulta at konklusyon.



SIKLIKAL

Ang proseso ng isang pananaliksik ay paikot. Ang mga resulta ng isang pag-aaral ay maaaring magsilbing batayan para sa panibagong katanungan o pananaliksik.



ANALITIKAL

Sinusuri at binibigyang-kahulugan nang masusi ang mga nakalap na datos upang matukoy ang mga pattern, ugnayan, o kahulugan ng mga ito.



KRITIKAL

Sinusuri nang maingat at obhetibo ang impormasyon, datos, at mga ideya upang matiyak ang kanilang katumpakan at pagiging mapagkakatiwalaan.



METODIKAL

Isinasagawa ang pananaliksik sa pamamagitan ng maayos, sistematiko, at planadong mga hakbang upang makamit ang layunin ng pag-aaral.



REPLIKABILITI

Nangangahulugan itong maaaring ulitin ng ibang mananaliksik ang pag-aaral gamit ang parehong pamamaraan upang mapatunayan o maihambing ang mga resulta.



KATANGIAN NG ISANG MABUTING MANANALIKSIK

MAPANURI

Sinuri nang mabuti ng mananaliksik ang mga impormasyon at datos bago ang mga ito tanggapin bilang tama. Hindi siya basta-basta naniniwala sa anumang impormasyong nakikita o naririnig.

MAINGAT AT TUMPAK

Isinasagawa ng mananaliksik ang bawat hakbang nang maingat upang maiwasan ang pagkakamali at matiyak na tama ang mga datos at resulta.

TAPAT

Ipinapakita ng mananaliksik ang katapatan at integridad sa buong proseso ng pananaliksik. Hindi siya nag-iimbento, nagbabago, o nangongopya ng datos at kinikilala niya ang mga pinagkunan ng impormasyon.

PUMUPUNA NANG MAAYOS

Marunong ang mananaliksik na magbigay at tumanggap ng makatwiran at magalang na puna upang mapabuti ang pag-aaral. Hindi niya ginagamit ang pagpuna upang manira, kundi upang makatulong.

MALIKHAIN

Nakagagawa ang mananaliksik ng bagong ideya, pamamaraan, o solusyon upang mas mahusay na maisagawa ang pag-aaral o malutas ang isang suliranin.

SITWASYONG

PANG-ARAW-ARAW



Bago bumili ng isang packaged food product, sinusuri muna ng mamimili ang ingredients at nutritional information sa label. Nagsasaliksik din siya tungkol sa mga sangkap bago magpasya kung bibilhin ang produkto.

MAPANURI

Sinusuri muna niya ang impormasyon at mga sangkap bago maniwala o magdesisyon.

Binibigyang-pansin niya ang mga detalye sa label upang makagawa ng tamang pagpili.


MAINGAT

Bago magdesisyon, magsuri muna. Ang pagiging mapanuri at maingat ay mahalaga hindi lamang sa pananaliksik, kundi pati sa pang-araw-araw na buhay.



TUMPAK

Tinitingnan niya nang mabuti ang nutritional information at iba pang datos upang matiyak na tama ang kaniyang nabasa.



ACROSS

- 2 Sistematikong proseso ng pangangalap at pagsusuri ng impormasyon
- 3 Maayos, sistematiko, at planadong mga hakbang sa pananaliksik
- 5 Mananaliksik na hindi basta-basta naniniwala sa impormasyong nakikita
- 7 Mananaliksik na nakagagawa ng bagong ideya at solusyon
- 8 Masusing pagsusuri ng datos upang matukoy ang mga pattern
- 9 Sistematikong proseso ng pangangalap ng kaalaman
- 10 Wasto at maayos na pangangatwiran sa pananaliksik

DOWN

- 1 Mananaliksik na nagsasabi ng katotohanan at hindi nag-iimbento
- 2 Papel ng pananaliksik na nakakatulong sa paglutas ng mga suliranin
- 4 Pananaliksik na nakabatay sa aktuwal na obserbasyon at datos
- 6 Pananaliksik na maaaring ulitin ng ibang mananaliksik gamit ang parehong pamamaraan

REFLEKSIYON

PAANO KO MAISASABUHAY ANG MGA KATANGIAN NG ISANG MABUTING MANANALIKSIK BILANG MAG-AARAL?

BILANG ISANG ISKOLAR NG PISAY, PARTE NA NG ATING RESPONSIBILIDAD ANG PAGYAMANIN ANG PANANALIKSIK, LALO NA SA LARANGAN NG AGHAM. KASAMA NA RITO ANG PAGSISIGURONG ANG ATING MGA SARILING MGA PANANALIKSIK AY NILIKHA PARA SA KABUTIHAN AT KAUNLARAN NG LIPUNAN, HINDI PARA SA SARILING INTERES O PAKINABANG.

KASAMA NA RITO ANG HINDI AGARANG PAGTANGGAP SA MGA IMPORMASYONG NAKIKITA. LAHAT NG DATOS AY MAY ANGKOP NA PANGONGOLEKTA. ANG SIMPLENG PAG-USISA NG IMPORMASYON AT PAGPIL SA PAGKALAT NIYO, LALO NA KUNG WALA NAMANG TAMANG BATAYAN.

SA GANITONG PARAAN, NATUTUTO AKONG MAGING RESPONSABLE SA BAWAT IMPORMASYONG AKING KINOKOLEKTA AT GINAGAMIT. HINDI LAMANG DAPAT ISIPIN KUNG TAMA ANG ISANG IMPORMASYON, KUNDI KUNG PAANO RIN ITO MAAARING MAKAAPEKTO SA IBANG TAO KAPAG ITO AY IBINAHAGI.



BILANG ISANG MAG-AARAL, MAHALAGANG MAGING MAINGAT SA MGA IMPORMASYONG GINAGAMIT KO SA AKING MGA GAWAIN AT PANANALIKSIK UPANG MAPANATILI ANG PAGiging TAPAT AT MAAASAHAN NG AKING MGA GINAGAWA. SA SIMPLENG PAGSURI, PAG-USISA, AT PAG-IWAS SA PAGPAPAKALAT NG IMPORMASYONG WALANG SAPAT NA BATAYAN, MAISASABUHAY KO ANG PAGiging MAPANURI AT RESPONSABLENG MANANALIKSIK.